

ЎЗБЕКИСТОН RESPUBLIKASI VAZIRLAR MAҲKAMASINING
ҚАРОРИ**288** Вазирлар Маҳкамасининг «Фискал хотирага эга бўлган назорат-касса машиналарининг қўлланишини янада такомиллаштиришга доир қўшимча чора-тадбирлар тўғрисида» 2011 йил 17 ноябрдаги 306-сон қарорига ўзгартириш ва қўшимчалар киритиш ҳақида

Фискал хотирага эга бўлган назорат-касса машиналарини рўйхатдан ўтказиш тартиботларини тартибга солиш ва содаллаштириш ҳамда нақд пул билан ҳисоб-китоб қилган ҳолда товарларни сотишда, ишларни бажаришда ва хизматлар кўрсатишда юридик ва жисмоний шахслар томонидан фискал хотирага эга бўлган назорат-касса машиналарини қўлланишни янада такомиллаштириш мақсадида Вазирлар Маҳкамаси **қарор қилади:**

1. Вазирлар Маҳкамасининг «Фискал хотирага эга бўлган назорат-касса машиналарининг қўлланишини янада такомиллаштиришга доир қўшимча чора-тадбирлар тўғрисида» 2011 йил 17 ноябрдаги 306-сон қарорига (Ўзбекистон Республикаси ҚТ, 2011 йил, 11-сон, 89-модда) иловага мувофиқ ўзгартириш ва қўшимчалар киритилсин.

2. Ўзбекистон Республикаси Давлат солиқ қўмитаси «Ўзстандарт» агентлиги билан биргаликда, аҳоли билан пулли ҳисоб-китобларни амалга ошириш учун қўлланиладиган фискал хотирали назорат-касса машиналарига қўйиладиган ягона техник талабларни бир ой муддатда ишлаб чиқсин ва белгиланган тартибда тасдиқласин.

3. Ўзбекистон Республикаси Давлат солиқ қўмитаси манфаатдор вазирликлар ва идоралар билан биргаликда икки ой муддатда:

ўзлари қабул қилган норматив-ҳуқуқий ҳужжатларни ушбу қарорга мувофиқлаштирсинлар;

ушбу қарорнинг мақсади, мазмуни ҳамда амалий аҳамиятини тадбиркорлик субъектлари ўртасида кенг ёритиш бўйича тадбирларнинг ташкил этилишини ва амалга оширилишини таъминласин.

4. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари Р.С. Азимов зиммасига юклансин.

Ўзбекистон Республикасининг
Бош вазири

Ш. МИРЗИЁЕВ

Тошкент ш.,
2014 йил 7 июнь,
147-сон

Вазирлар Маҳкамасининг
2014 йил 7 июндаги 147-сон қарорига
ИЛОВА

**Вазирлар Маҳкамасининг «Фискал хотирага эга бўлган
назорат-касса машиналарининг қўлланишини янада
такомиллаштиришга доир қўшимча чора-тадбирлар тўғрисида»
2011 йил 17 ноябрдаги 306-сон қарорига киритилаётган
ўзгартириш ва қўшимчалар**

1. 1-иловада (Аҳоли билан пулли ҳисоб-китобларни амалга оширишда фискал хотирага эга бўлган назорат-касса машиналарини қўллаш тартиби тўғрисидаги низом):

а) 7-банд қуйидаги таҳрирда баён қилинсин:

«7. Сертификатга эга бўлмаган ва (ёки) белгиланган ягона техник талабларга жавоб бермайдиган ёхуд давлат солиқ хизмати органларида рўйхатдан ўтказилмаган фискал хотирага эга бўлган назорат-касса машинасидан фойдаланиш қонун ҳужжатларига мувофиқ айбдор шахслар ва хўжалик юритувчи субъектлар жавобгарликка тортилган ҳолда фискал хотирага эга бўлган назорат-касса машинасини қўлламастан амалга оширилган фаолият сифатида қаралади»;

б) 10-банднинг иккинчи хатбоши қуйидаги таҳрирда баён қилинсин:

«Бунда хўжалик юритувчи субъект давлат солиқ хизмати органларига аҳоли билан пулли ҳисоб-китобларни амалга оширишда ёзиладиган, қатъий ҳисобот бериладиган бланкалар ҳисобланадиган ушбу Низомга 3-иловага мувофиқ шакл бўйича квитанция дафтарчаларини тақдим этади. Квитанция дафтарчалари пулли ҳисоб-китоблар амалга оширилгунга қадар давлат солиқ хизмати органларида рўйхатдан ўтказилади. Квитанцияларнинг ушбу шаклидан электр энергияси вақтинча мавжуд бўлмаган тақдирда ҳам фойдаланилади»;

в) 19-банд қуйидаги таҳрирда баён қилинсин:

«19. Ушбу қарорга 3-илованинг 1-бандида кўрсатилган хўжалик юритувчи субъектлар аҳоли билан ўзаро ҳисоб-китобларни давлат солиқ хизмати органларида рўйхатдан ўтган чипталар, талонлар, чекларни ёки уларга тенглаштирилган бошқа ҳужжатларни мажбурий тартибда берган ҳолда амалга ошириши шарт.

Хўжалик юритувчи субъект чипталар, талонлар, чекларни ёки уларга тенглаштирилган бошқа ҳужжатларни рўйхатдан ўтказиш учун аҳоли билан пулли ҳисоб-китобларни амалга ошириш бошлангунга қадар давлат солиқ хизмати органларига мурожаат қилади. Давлат солиқ хизмати органлари кўрсатиб ўтилган ҳужжатларни икки кун муддатда рўйхатдан ўтказиши шарт.

Хўжалик юритувчи субъектнинг давлат солиқ хизмати органларида рўйхатдан ўтказилган чипталари, талонлари, чеклари ёки уларга тенглаштирилган бошқа ҳужжатлари қатъий ҳисобот бериладиган бланкалар ҳисобланади.

Шаҳар ва шаҳар атрофи транспорт воситаларида йўловчиларни ташиш учун расмийлаштирилган йўлқира чипталари, шунингдек чипталар, талонлар, чеклар ёки уларга тенглаштирилган бошқа ҳужжатлар уларни сотишда фискал хотирага эга бўлган назорат-касса машинаси қўлланилган тақдирда рўйхатдан ўтказилмайди.

Хўжалик юритувчи субъектлар электрон чипталарни, шунингдек хизматларни кўрсатувчилар томонидан тартиб рақами қўйилмаган ва қатъий ҳисобот бериладиган бланкалар ҳисобланмайдиган бошқа ҳужжатларни сотишда фискал хотирага эга бўлган назорат-касса машинасини қўллаши шарт.

Механик аппаратлар (автоматлар) воситасида нақд пул маблағлари тўланган ҳолда аҳоли билан ўзаро ҳисоб-китоб қилиш ҳам фискал хотирага эга бўлган назорат-касса машинаси (фискал регистраторлар) мажбурий қўлланилган ҳолда амалга оширилиши керак.»;

г) Аҳоли билан пулли ҳисоб-китобларни амалга оширишда фискал хотирага эга бўлган назорат-касса машиналарини қўллаш тартиби тўғрисидаги низомга 1-иловининг матни қуйидаги тахрирда баён қилинсин:

**«Фискал хотирага эга бўлган назорат-касса машинасини
фискал хотирага эга бўлган назорат-касса машинасининг
рўйхатдан ўтказиш карточкасини берган ҳолда фаолият
амалга ошириладиган жой бўйича давлат солиқ хизмати
органларида рўйхатдан ўтказиш
ТАРТИБИ**

I. Умумий қоидалар

1. Ушбу Низом Ўзбекистон Республикасининг Солиқ кодексига ва «Тадбиркорлик фаолияти соҳасидаги рухсат бериш тартиб-таомиллари тўғрисида»ги Ўзбекистон Республикаси Қонунига мувофиқ ушбу Тартибга 1-иловага мувофиқ схема бўйича фискал хотирага эга бўлган назорат-касса машинасининг рўйхатдан ўтказиш карточкасини берган ҳолда фискал хотирага эга бўлган назорат-касса машинасини фаолият амалга ошириладиган жой (кейинги ўринларда турғун шохобча жойлашган жой деб аталади) бўйича давлат солиқ хизмати органларида рўйхатдан ўтказиш тартиботини белгилайди.

Фискал хотирага эга бўлган назорат-касса машинасининг рўйхатдан ўтказиш карточкаси:

турғун шохобча жойлашган жой бўйича давлат солиқ хизмати органлари томонидан амал қилиш муддатисиз берилади;

фискал хотирага эга бўлган назорат-касса машинаси рўйхатдан ўтказилганлигидан ёки рўйхатдан ўтказишдан чиқарилганлигидан гувоҳлик беради;

аҳоли билан нақд пулли ҳисоб-китоб қилиб товарларни сотиш, ишларни бажариш, хизматлар кўрсатиш ҳуқуқини берувчи рухсат бериш хусусиятига эга бўлган ҳужжат ҳисобланади.

2. Ушбу Тартибнинг талаблари аҳоли билан нақд пулли ҳисоб-китоб қилиб товарларни сотиш, ишларни бажариш, хизматлар кўрсатишда фискал хотирага эга бўлган назорат-касса машинасини қўлловчи юридик шахслар ва яқка тартибдаги тадбиркорларга (кейинги ўринларда хўжалик юритувчи субъект деб аталади) жорий этилади, ўз фаолиятининг ўзига хослиги туфайли аҳоли билан пулли ҳисоб-китобларни фискал хотирага эга бўлган назорат-касса машиналарини қўлламасдан амалга ошириши мумкин бўлган юридик ва жисмоний шахсларнинг айрим тоифалари бундан мустасно.

3. Фискал хотирага эга бўлган назорат-касса машинаси хўжалик фаолиятида қўлланилгунга қадар хўжалик юритувчи субъектга фискал хотирага эга бўлган назорат-касса машинасининг рўйхатдан ўтказиш карточкаси берилган ҳолда давлат солиқ хизмати органларида рўйхатдан ўтказилиши керак.

II. Рухсат берувчи талаблар ва шартлар

4. Фискал хотирага эга бўлган назорат-касса машинасини қўллаган ҳолда аҳоли билан нақд пулли ҳисоб-китоб қилиб товарларни сотиш, ишларни бажариш, хизматлар кўрсатишда қуйидагилар рухсат берувчи талаблар ва шартларга тегишли бўлади:

ушбу Тартибнинг 5-бандида назарда тутилган ишончли маълумотлар ва ҳужжатларни тақдим этиш;

фискал хотирага эга бўлган назорат-касса машинасининг белгиланган ягона техник талабларга мувофиқлиги;

хўжалик юритувчи субъект — юридик шахс учун — турғун шохобчанинг номидаги ва (ёки) жойлашган жойи (почта манзили)даги ва (ёки) дислокациясидаги ўзгаришлар, шунингдек унинг тугатилиши; давлат рўйхатидан ўтказиш тўғрисидаги берилган гувоҳномада кўрсатилган исми ёки фамилияси, отасининг исми, турғун шохобчанинг жойлашган жойи ўзгариши, шунингдек яқка тартибдаги тадбиркор учун — хўжалик юритувчи субъект фаолияти тўхтатилиши рўйхатдан ўтказилгандан кейин етти иш куни мобайнида давлат солиқ хизмати органларини хабардор қилиш;

фискал хотирага эга бўлган назорат-касса машинасини қўллашга қўйиладиган талабларга тегишли қонун ҳужжатлари нормаларига сўзсиз риоя қилиш.

III. Фискал хотирага эга бўлган назорат-касса машинасининг рўйхатдан ўтказиш карточкасини олиш учун зарур бўлган ҳужжатлар

5. Хўжалик юритувчи субъект фискал хотирага эга бўлган назорат-касса машинасининг рўйхатдан ўтказиш карточкасини олиш учун турғун шохобча жойлашган жой бўйича давлат солиқ хизмати органларига қуйидаги ҳужжатларни тақдим этади:

а) хўжалик юритувчи субъект тўғрисидаги қуйидаги маълумотлар кўрсатилган ҳолда рўйхатдан ўтказиш карточкасини бериш ҳақидаги ариза:

юридик шахслар учун — номи, жойлашган жойи (почта манзили), ташкилий-ҳуқуқий шакли, солиқ тўловчининг идентификация рақами, банк реквизитлари, алоқа қилинадиган телефонлар, раҳбарнинг фамилияси, исми ва отасининг исми ҳамда турғун шохобча жойлашган жойнинг манзили;

якка тартибдаги тадбиркорлар учун — фамилияси, исми ва отасининг исми, паспортидаги маълумотлар, почта манзили, турғун шохобча жойлашган жойнинг манзили, солиқ тўловчининг идентификация рақами, банк реквизитлари, алоқа қилинадиган телефонлар;

б) хўжалик юритувчи субъект давлат рўйхатидан ўтказилганлиги тўғрисидаги гувоҳноманинг нусхаси;

в) сертификатлаш бўйича аккредитация қилинган органлар томонидан берилган фискал хотирага эга бўлган назорат-касса машинасининг мувофиқлик сертификати нусхаси;

г) турғун шохобча мавжудлигини тасдиқлайдиган ҳужжатларнинг нусхалари (бинонинг ижара шартномаси, ордер (далолатнома ва шу кабилар);

д) агар қонун ҳужжатларида ўзгача ҳол назарда тутилмаган бўлса нақд пул тушуми хизмат кўрсатувчи банк билан инкассация қилинганлиги тўғрисидаги шартноманинг нусхаси ёхуд ҳисоб-китоб рақами мавжудлиги тўғрисида хизмат кўрсатувчи банк билан тузилган шартноманинг нусхаси;

е) фискал хотирага эга бўлган назорат-касса машинасига техник хизмат кўрсатиш ва уни таъмирлашга тузилган шартноманинг нусхаси;

ж) фискал хотирага эга бўлган назорат-касса машинасининг хизмат кўрсатиш дастурлари ва фискал хотирага эга бўлган назорат-касса машинасининг фискал хотираси дастурлари ҳолати, шунингдек бегона техник ўзгаришлар йўқлиги (бирор-бир ташқи ўзгаришлар йўқлиги ва эталон версияларга мувофиқлик) юзасидан хизмат кўрсатувчи ташкилотнинг ҳулосаси нусхаси;

з) тартиб рақами қўйилган ва ип ўтказиб тикилган, хўжалик юритувчи субъектнинг муҳри билан тасдиқланган кассир-операциячининг назорат-касса дафтари (фискал хотирага эга бўлган назорат-касса машинасининг рўйхатдан ўтказиш карточкасини беришда ариза берувчига қайтарилади);

и) ҳисобдан чиқариш тўғрисида белги қўйилган ҳолда фискал хотирага эга бўлган назорат-касса машинасининг олдинги рўйхатдан ўтказилишини ва рўйхатдан ўтказиш карточкасини ҳисобдан чиқаришда — фискал хотирага эга бўлган назорат-касса машинасининг фискал хотираси ҳисоблагичининг кўрсаткичларини қайд этиш далолатномасининг нусхаси (агар фискал хотирага эга бўлган назорат-касса машинаси олдин рўйхатдан ўтказилган ва рўйхатдан ўтказишдан чиқарилган бўлса).

6. Давлат солиқ хизмати органлари тақдим этилган ҳужжатларнинг тўғрилигини текширгандан кейин фискал хотирага эга бўлган назорат-касса машинасининг фискал хотирасидан фойдаланишни кодлаштиради. Шундан кейин хизмат кўрсатувчи ташкилотнинг мутахассиси томонидан ишга тушириш — созлаш ишлари амалга оширилади, бу ҳақда назорат чеки илова қилинган ҳолда ушбу Тартибга 2-иловага мувофиқ шакл бўйича 3 нусхада

фискал хотирага эга бўлган назорат-касса машинасининг фискал хотираси ҳисоблагичининг кўрсаткичларини қайд этиш далолатномаси тузилади.

Фискал хотирага эга бўлган назорат-касса машинасининг фискал хотираси ҳисоблагичи кўрсаткичларини қайд этиш далолатномасини тузиш туғаллангандан кейин давлат солиқ хизмати органлари тамға ўрнатади.

7. Хўжалик юритувчи субъектдан ушбу Тартибнинг 5-бандида назарда тутилмаган ҳужжатлар тақдим этилишини талаб қилишга йўл қўйилмайди.

8. Фискал хотирага эга бўлган назорат-касса машинасининг рўйхатдан ўтказиш карточкасини олиш учун ариза беришда ушбу Тартибнинг 5-бандида санаб ўтилган ҳужжатларнинг икки нусхада рўйхати тузилади, бир нусхаси қабул қилинган сана тўғрисида белги қўйилган ҳолда ариза берувчига берилади (юборилади).

IV. Фискал хотирага эга бўлган назорат-касса машинасининг рўйхатдан ўтказиш карточкасини бериш тўғрисидаги аризани кўриб чиқиш, уни бериш ёхуд беришни рад этиш тўғрисида қарор қабул қилиш

9. Фискал хотирага эга бўлган назорат-касса машинасининг рўйхатдан ўтказиш карточкасини олиш тўғрисида хўжалик юритувчи субъектнинг аризаси давлат солиқ хизмати органлари томонидан кўриб чиқилганлиги ва фискал хотирага эга бўлган назорат-касса машинасининг рўйхатдан ўтказиш карточкаси берилганлиги учун йиғим ундирилмайди.

10. Давлат солиқ хизмати органлари ариза ва ушбу Тартибнинг 5-бандида назарда тутилган барча зарур ҳужжатлар олинган пайдан бошлаб беш иш кунидан кеч бўлмаган муддатда хўжалик юритувчи субъектнинг аризасини кўриб чиқади ва фискал хотирага эга бўлган назорат-касса машинасининг рўйхатдан ўтказиш карточкасини беради.

11. Фискал хотирага эга бўлган назорат-касса машинасининг рўйхатдан ўтказиш карточкасини беришни рад этиш тўғрисида қарор қабул қилинган тақдирда давлат солиқ хизмати органлари тегишли қарор қабул қилинган санадан бошлаб бир иш кунидан кечикмай хўжалик юритувчи субъектни рад этишнинг аниқ сабабларини, қонун ҳужжатларининг аниқ нормаларини ва хўжалик юритувчи субъект кўрсатиб ўтилган сабабларни бартараф этиб такроран кўриб чиқиш учун ушбу Тартибнинг 5-бандида назарда тутилган ҳужжатларни тақдим этиши мумкин бўлган муддат кўрсатилган ҳолда ёзма ёки электрон шаклда унга фискал хотирага эга бўлган назорат-касса машинасининг рўйхатдан ўтказиш карточкасини бериш рад этилганлигидан хабардор қилади.

Электрон шаклда берилган маълумотнома ёки билдиришнома қоғоздаги ҳужжатга тенглаштирилади ва у билан бир хил юридик кучга эга бўлади.

Хўжалик юритувчи субъект рад этишнинг сабабларини бартараф этишга ва такроран кўриб чиқиш учун ҳужжатларни тақдим этишга ҳақли бўлган муддат фискал хотирага эга бўлган назорат-касса машинасининг рўйхатдан ўтказиш карточкасини бериш рад этилганлиги тўғрисидаги ёзма ёки элект-

рон билдиришнома олинган кундан бошлаб ўн иш кунидан кам бўлмаслиги керак.

12. Давлат солиқ хизмати органлари қуйидаги ҳолларда:

а) хўжалик юритувчи субъект томонидан фискал хотирага эга бўлган назорат-касса машинасининг рўйхатдан ўтказиш карточкасини бериш учун зарур бўлган ҳужжатлар тўлиқ ҳажмда тақдим этилмаган;

б) хўжалик юритувчи субъект рухсат берувчи талаблар ва шартларга мувофиқ бўлмаган;

в) хўжалик юритувчи субъект томонидан тақдим этилган ҳужжатларда тўғри бўлмаган ёки бузилган маълумотлар мавжуд бўлган ҳолларда ушбу Тартибнинг 11-банди биринчи хатбошида назарда тутилган муддатда хўжалик юритувчи субъектга фискал хотирага эга бўлган назорат-касса машинасининг рўйхатдан ўтказиш карточкасини беришни рад этиш тўғрисида қарор қабул қилади.

Бошқа асослар, шу жумладан мақсадга мувофиқ эмаслиги сабаби билан фискал хотирага эга бўлган назорат-касса машинасининг рўйхатдан ўтказиш карточкасини бериш рад этилишига йўл қўйилмайди.

13. Агар давлат солиқ хизмати органлари ушбу Тартибнинг 10-бандида назарда тутилган муддат мобайнида хўжалик юритувчи субъектни фискал хотирага эга бўлган назорат-касса машинасининг рўйхатдан ўтказиш карточкасини бериш рад этилиши тўғрисида хабардор қилмаган ёки фискал хотирага эга бўлган назорат-касса машинасининг рўйхатдан ўтказиш карточкасини бермаган тақдирда, у ҳолда хўжалик юритувчи субъект давлат солиқ хизмати органларини ёзма равишда хабардор қилиб фискал хотирага эга бўлган назорат-касса машинасини қўллаган ҳолда аҳоли билан нақд пулли ҳисоб-китоб қилиб товарларни сотиш, ишларни бажариш, хизматлар кўрсатиш ҳуқуқига эга бўлади.

Фискал хотирага эга бўлган назорат-касса машинасининг рўйхатдан ўтказиш карточкаси олингунга қадар тақдим этилган ҳужжатларнинг қабул қилинган сана тўғрисида белги қўйилган рўйхати ва хўжалик юритувчи субъект томонидан давлат солиқ хизмати органларига юборилган ёзма билдиришнома рухсат берувчи хусусиятга эга бўлган ҳужжатга тенглаштирилади ва фискал хотирага эга бўлган назорат-касса машинасини қўллаган ҳолда аҳоли билан нақд пулли ҳисоб-китоб қилиб товарларни сотиш, ишларни бажариш, хизматлар кўрсатиш учун асос ҳисобланади.

Бунда давлат солиқ хизмати органлари хўжалик юритувчи субъектнинг ёзма билдиришномаси олингандан кейин беш иш кунидан кеч бўлмаган муддатда фискал хотирага эга бўлган назорат-касса машинасининг рўйхатдан ўтказиш карточкасини бериши шарт.

14. Фискал хотирага эга бўлган назорат-касса машинасининг рўйхатдан ўтказиш карточкасини беришни рад этиш учун асос бўлган сабаблар ариза берувчи томонидан бартараф этилган тақдирда, ҳужжатларни такроран кўриб чиқиш такрорий ариза олинган санадан бошлаб бир иш кунидан кеч бўлмаган муддатда амалга оширилади.

Аризани такроран кўриб чиқишда олдин рад этиш тўғрисидаги билди-

ришномада кўрсатилмаган янги асослар бўйича фискал хотирага эга бўлган назорат-касса машинасининг рўйхатдан ўтказиш карточкасини беришни рад этишга йўл қўйилмайди, олдин кўрсатилган сабаблар бартараф этилганлигини тасдиқловчи ҳужжатлар билан боғлиқ рад этиш сабаблари келтирилиши бундан мустасно.

Фискал хотирага эга бўлган назорат-касса машинасининг рўйхатдан ўтказиш карточкасини бериш муддати такрорий ариза берилган пайдан бошлаб уч иш кунидан ошмаслиги керак.

Хўжалик юритувчи субъектнинг аризаси такроран кўриб чиқилганлиги учун йиғим ундирилмайди.

15. Ушбу Тартибнинг 11-бандида кўрсатилган муддат тамом бўлгандан кейин хўжалик юритувчи субъект томонидан берилган фискал хотирага эга бўлган назорат-касса машинасининг рўйхатдан ўтказиш карточкасини бериш тўғрисидаги такрорий ариза янгидан берилган ариза деб ҳисобланади ва давлат солиқ хизмати органларида умумий асосларда кўриб чиқилади.

16. Хўжалик юритувчи субъект давлат солиқ хизмати органларининг фискал хотирага эга бўлган назорат-касса машинасининг рўйхатдан ўтказиш карточкасини беришни рад этиш тўғрисидаги қарори, шунингдек давлат солиқ хизмати органларининг мансабдор шахсининг хатти-ҳаракатлари (ҳаракатсизлиги) устидан белгиланган тартибда шикоят қилиш ҳуқуқига эгадир.

17. Хўжалик юритувчи субъект ва берилган фискал хотирага эга бўлган назорат-касса машинасининг рўйхатдан ўтказиш карточкаси тўғрисидаги маълумотлар давлат солиқ хизмати органларида ушбу Тартибга 3-иловага мувофиқ шакл бўйича юритиладиган фискал хотирага эга бўлган назорат-касса машинасининг рўйхатдан ўтказиш дафтарида киритилади.

18. Давлат солиқ хизмати органларида ҳар бир рўйхатдан ўтказилган фискал хотирага эга бўлган назорат-касса машинасига алоҳида ҳужжатлар йиғмажилди юритилади, унга ушбу фискал хотирага эга бўлган назорат-касса машинаси билан боғлиқ барча ҳужжатлар, шу жумладан техник хизмат кўрсатиш ва таъмирлаш бўйича материаллар тиркаб қўйилади.

19. Давлат солиқ хизмати органлари хўжалик юритувчи субъектга ушбу Тартибга 4-иловага мувофиқ шакл бўйича ҳар бир рўйхатдан ўтказилган фискал хотирага эга бўлган назорат-касса машинасига алоҳида фискал хотирага эга бўлган назорат-касса машинасининг рўйхатдан ўтказиш карточкасини беради ва кассир-операциячининг назорат-касса дафтари муҳр билан тасдиқлайди.

V. Фискал хотирага эга бўлган назорат-касса машинасининг рўйхатдан ўтказиш карточкасини қайта расмийлаштириш, унинг дубликати бериш

20. Хўжалик юритувчи субъект қайта тузилган, унинг номи (якка тартибдаги тадбиркор учун — фамилияси, исми, отасининг исми) ва туман (шаҳар) доирасида турғун шохобча жойлашган жой ўзгарган тақдирда хўжалик юритувчи субъект ёхуд унинг ҳуқуқий вориси қайта рўйхатдан ўтка-

зилгандан кейин етти иш куни мобайнида фискал хотирага эга бўлган назорат-касса машинасининг рўйхатдан ўтказиш карточкасига тегишли ўзгаришларни киритиш учун давлат солиқ хизмати органларига:

а) турғун шохобча жойлашган жойнинг олдинги ва янги манзили кўрсатилган аризани;

б) фискал хотирага эга бўлган назорат-касса машинасининг рўйхатдан ўтказиш карточкасини;

в) янги манзил бўйича турғун шохобча мавжудлигини тасдиқлайдиган хужжатларни;

г) турғун шохобчанинг янги манзили бўйича хизмат кўрсатувчи банк билан нақд пул тушуми инкассацияси тўғрисидаги шартноманинг нусхасини тақдим этиши керак.

21. Фискал хотирага эга бўлган назорат-касса машинасининг рўйхатдан ўтказиш карточкасини олиш ва қайта расмийлаштириш учун зарур бўлган хужжатлар хўжалик юритувчи субъект томонидан давлат солиқ хизмати органларига бевосита, олинганлиги тўғрисидаги билдиришнома берилган ҳолда почта алоқаси воситалари орқали ёки электрон шаклда тақдим этилади. Электрон шаклда тақдим этилган хужжатлар хўжалик юритувчи субъектнинг электрон рақамли имзоси билан тасдиқланади.

22. Фискал хотирага эга бўлган назорат-касса машинасининг рўйхатдан ўтказиш карточкасини қайта расмийлаштириш тўғрисида давлат солиқ хизмати органларига ариза берган хўжалик юритувчи субъект ёки унинг ҳуқуқий вориси (меросхўр) ўз фаолиятини ушбу Тартибнинг 10-бандида назарда тутилган муддат мобайнида ариза қабул қилинган сана тўғрисида давлат солиқ хизмати органларининг белгиси қўйилган фискал хотирага эга бўлган назорат-касса машинасининг рўйхатдан ўтказиш карточкасини қайта рўйхатдан ўтказиш тўғрисида берилган ариза асосида амалга оширади.

23. Давлат солиқ хизмати органлари тақдим этилган хужжатларнинг тўғрилиги ва ишончлилигини текширгандан кейин ушбу Тартибнинг 10-бандида назарда тутилган муддатда тегишли ўзгартиришларни киритади ва фискал хотирага эга бўлган назорат-касса машинасининг рўйхатдан ўтказиш карточкасини беради, хўжалик юритувчи субъект томонидан тақдим этилган хужжатлар эса фискал хотирага эга бўлган назорат-касса машинасининг хужжатлар йиғмажилдига тиркаб қўйилади.

24. Фискал хотирага эга бўлган назорат-касса машинасининг рўйхатдан ўтказиш карточкаси йўқолган ёхуд яроқсиз ҳолга келган тақдирда хўжалик юритувчи субъектнинг аризасига кўра унинг дубликати берилади.

Бунда яроқсиз ҳолга келган тақдирда аризага фискал хотирага эга бўлган назорат-касса машинасининг рўйхатдан ўтказиш карточкаси илова қилинади.

Давлат солиқ хизмати органлари фискал хотирага эга бўлган назорат-касса машинасининг рўйхатдан ўтказиш карточкаси дубликатини ушбу Тартибнинг 10-бандида назарда тутилган муддатда бериши шарт.

25. Фискал хотирага эга бўлган назорат-касса машинасининг рўйхатдан ўтказиш карточкаси қайта расмийлаштирилганлиги ва дубликат берилганлиги учун йиғим ундирилмайди.

VI. Назорат-касса машинасини рўйхатдан чиқариш тартиби

26. Хўжалик юритувчи субъект тугатилган (фаолияти тўхтатилган), фискал хотирага эга бўлган назорат-касса машинаси мазкур хўжалик юритувчи субъектда фойдаланишдан чиқарилган ҳолларда у рўйхатдан мажбурий чиқарилиши керак.

Хўжалик юритувчи субъектнинг турғун шохобчаси жойлашган жой ўзгарган тақдирда, фискал хотирага эга бўлган назорат-касса машинаси рўйхатдан ўтказишдан чиқарилиши шарт, ушбу Тартибнинг 20-бандида назарда тутилган ҳоллар бундан мустасно.

27. Фискал хотирага эга бўлган назорат-касса машинасини рўйхатдан чиқариш учун (ушбу Тартибнинг 26-банди биринчи хат бошида назарда тутилган ҳоллар бундан мустасно) давлат солиқ хизмати органи бошлиғи номига ариза тақдим этиш, унда хўжалик юритувчи субъектнинг реквизитларини (номи (Ф.И.О.), солиқ тўловчининг идентификация рақами, манзили), назорат-касса машинасининг моделини ва завод рақамини, рўйхатдан ўтказишдан чиқариш сабабларини кўрсатиш зарур.

28. Аризага қуйидаги ҳужжатлар илова қилинади:

а) фискал хотирага эга бўлган назорат-касса машинасининг рўйхатдан ўтказиш карточкаси;

б) ушбу турғун шохобчада бошқа фискал хотирага эга бўлган назорат-касса машинаси рўйхатдан ўтказилмаган тақдирда — инкассация хизматида тасдиқланган фаолиятнинг тугалланганлиги тўғрисидаги хат-билдиришнома-нинг нусхаси.

в) кассир-операциячининг назорат-касса дафтари.

29. Давлат солиқ хизмати органлари ариза ва илова қилинадиган ҳужжатлар олингандан кейин бошлиқнинг (ёки унинг ўринбосарининг) буйруғи асосида тақдим этилган ҳужжатларнинг тўғрилиги ва ишончлилигини уч кун муддатда текширади, назорат-касса машинаси рўйхатдан ўтказилган бутун давр учун жойнинг ўзида фискал хотиранинг якуний кўрсаткичларини чиқариб олади, бу ҳақда ушбу Тартибга 2-иловага мувофиқ шакл бўйича фискал хотирага эга бўлган назорат-касса машинасининг фискал хотираси ҳисоблагичи кўрсаткичларини қайд этиш далолатномаси тузилади.

30. Давлат солиқ хизмати органларининг масъул мансабдор шахси фискал хотирага эга бўлган назорат-касса машинасининг рўйхатдан ўтказиш карточкасига ва фискал хотирага эга бўлган назорат-касса машинасини рўйхатдан ўтказиш дафтарига тегишли ёзувларни киритади.

31. Фискал хотирага эга бўлган назорат-касса машинасининг рўйхатдан ўтказиш карточкасига ва фискал хотирага эга бўлган назорат-касса машинасини рўйхатдан ўтказиш дафтарига тегишли ўзгартиришлар киритилгандан кейин кассир-операциячининг назорат-касса дафтари ва фискал хотирага эга бўлган назорат-касса машинасини рўйхатдан ўтказиш карточкаси хўжалик юритувчи субъектга қайтарилади.

32. Фискал хотирага эга бўлган назорат-касса машинаси йўқотилган ёхуд

ўғирланган тақдирда ходиса юз берган пайтдан бошлаб бир иш кунидан кечикмай хўжалик юритувчи субъект давлат солиқ хизмати органларига бевосита, ушбу ариза олинганлиги тўғрисидаги билдиришнома берилган холда почта алоқаси воситалари ёки электрон шаклда ариза беради.

Аризага фискал хотирага эга бўлган назорат-касса машинасининг рўйхатдан ўтказиш карточкаси илова қилинади.

33. Хўжалик юритувчи субъект томонидан фискал хотирага эга бўлган назорат-касса машинаси йўқолганлиги (ўғирланганлиги) тўғрисида ариза берилган тақдирда давлат солиқ хизмати органларининг масъул мансабдор шахси юқори ҳудудий бошқармани хабардор қилади.

VII. Давлат солиқ органларида фискал хотирага эга бўлган назорат-касса машинасининг рўйхатдан ўтказиш карточкалари ҳисобини юритиш

34. Давлат солиқ хизмати органлари фискал хотирага эга бўлган назорат-касса машинасининг рўйхатдан ўтказиш карточкалари реестрини юрилади ва уларни Ўзбекистон Республикаси Давлат солиқ қўмитасининг расмий веб-сайтига жойлаштиради.

Фискал хотирага эга бўлган назорат-касса машинасининг рўйхатдан ўтказиш карточкалари реестрида хўжалик юритувчи субъектлар тўғрисидаги қуйидаги асосий маълумотлар бўлиши керак:

хўжалик юритувчи субъектлар — юридик шахсларнинг номи, уларнинг ташкилий-ҳуқуқий шакли, почта манзили, телефони;

хўжалик юритувчи субъектлар — яқка тартибдаги тадбиркорлар — жисмоний шахсларнинг фамилияси, исми, отасининг исми, уларнинг паспортидаги маълумотлар, почта манзили, телефони;

фискал хотирага эга бўлган назорат-касса машинасининг рўйхатдан ўтказиш карточкаси берилган сана ва унинг тартиб рақами;

фискал хотирага эга бўлган назорат-касса машинасининг рўйхатдан ўтказиш карточкасини қайта расмийлаштиришнинг асоси ва сана;

фискал хотирага эга бўлган назорат-касса машинасининг рўйхатдан ўтказиш карточкасини ҳисобдан чиқаришнинг асоси ва сана;

фискал хотирага эга бўлган назорат-касса машинасининг рўйхатдан ўтказиш карточкаси дубликатининг беришнинг асоси ва сана.

35. Фискал хотирага эга бўлган назорат-касса машинасининг рўйхатдан ўтказиш карточкаларини ҳисобга олиш реестридаги маълумотлар хўжалик юритувчи субъектларнинг улар билан танишиши учун очикдир.

Фискал хотирага эга бўлган назорат-касса машинасини фискал хотирага эга бўлган назорат-касса машинасининг рўйхатдан ўтказиш карточкасини берган ҳолда фаолият амалга ошириладиган жой бўйича давлат солиқ хизмати органларида рўйхатдан ўтказиш тартибига
1-ИЛОВА

**Фискал хотирага эга бўлган назорат-касса машинасини фискал хотирага эга бўлган назорат-касса машинасининг рўйхатдан ўтказиш карточкасини берган ҳолда фаолият амалга ошириладиган жой бўйича давлат солиқ хизмати органларида рўйхатдан ўтказиш тартиби
СХЕМАСИ**

Босқич-лар	Тадбирлар	Масъуллар	Муддатлар
I босқич	1. Тартибда назарда тутилган рўйхатга мувофиқ фискал хотирага эга бўлган назорат-касса машинасининг рўйхатдан ўтказиш карточкасини олиш учун зарур бўлган ҳужжатларни тайёрлаш. 2. Давлат солиқ хизмати органларига ҳужжатларни бевосита, олинганлиги тўғрисидаги билдиришнома билан почта алоқаси воситалари орқали ёки электрон шаклда тақдим этади.	Нақд пулли ҳисоб-китоб қилиб аҳолига товарларни сотиш, ишларни бажариш, хизматлар кўрсатишни мўлжаллаётган хўжалик юритувчи субъект	Хўжалик юритувчи субъектнинг хоҳишига кўра
II босқич	Ҳужжатларни рўйхат бўйича қабул қилади, унинг нусхаси ҳужжатлар қабул қилинган сана тўғрисида белги қўйилган ҳолда ариза берувчига юборилади (топширилади).	Давлат солиқ хизмати органлари	Ариза берилган кунда
III босқич	1. Тақдим этилган ҳужжатларни ўрганиб чиқади ва фискал хотирага эга бўлган назорат-касса машинасининг рўйхатдан ўтказиш карточкасини бериш ёки беришни рад этиш тўғрисида қарор қабул қилади. 2. Беришни рад этиш тўғрисида қарор қабул қилинган тақдирда рад этиш сабаб-ларини ёзма шаклда кўрсатиб хўжалик юритувчи субъектни хабардор қилади.	Давлат солиқ хизмати органлари	1) 5 иш куни мобайнида; 2) рад этиш тўғрисида қарор қабул қилинган санадан бошлаб бир иш кундан кечикмай
	3. Рад этилган тақдирда камчиликларни бартараф этади ва ҳужжатларни такроран кўриб чиқиш учун тақдим этади.	Хўжалик юритувчи субъект	фискал хотирага эга бўлган назорат-касса машинасининг рўйхатдан ўтказиш карточкасини бериш рад этилганлиги тўғрисидаги билдиришномада кўрсатилган муддатда
IV босқич	Фискал хотирага эга бўлган назорат-касса машинасининг рўйхатдан ўтказиш карточкасини хўжалик юритувчи субъектга бериш.	Давлат солиқ хизмати органлари	1) ариза берилган пайтдан бошлаб 5 иш кундан ортиқ эмас; 2) агар ҳужжатлар такроран тақдим этилган бўлса, 3 иш кундан ортиқ эмас

Фискал хотирага эга бўлган назорат-касса машинасини фискал хотирага эга бўлган назорат-касса машинасининг рўйхатдан ўтказиш карточкасини берган ҳолда фаолият амалга ошириладиган жой бўйича давлат солиқ хизмати органларида рўйхатдан ўтказиш тартибига
2-ИЛОВА

**Фискал хотирага эга бўлган назорат-касса машинаси
ҳисоблагичининг кўрсаткичларини қайд этиш
ДАЛОЛАТНОМАСИ**

20__ йил «__» _____ № _____

Давлат солиқ хизмати органи вакили _____

Хўжалик юритувчи субъект вакили _____

Техник хизмат кўрсатиш шартномасига мувофиқ фискал хотирага эга бўлган назорат-касса машинасига хизмат кўрсатувчи ташкилот вакили _____

Фискал хотирага эга бўлган назорат-касса машинаси унинг номига рўйхатдан ўтказилган хўжалик юритувчи субъектнинг номи ва солиқ тўловчининг идентификация рақами _____

Рўйхатдан ўтказилган фискал хотирага эга бўлган назорат-касса машинаси жойлашган жой _____

Фискал хотирага эга бўлган назорат-касса машинаси модели ва завод рақами _____

Ишга тушириш-созлаш/рўйхатдан чиқариш пайтида фискал хотирага эга бўлган назорат-касса машинаси фискал хотираси жамловчи ҳисоблагичининг кўрсаткичи _____ (назорат чеки илова қилинади).

Фискал хотирага эга бўлган назорат-касса машинасининг фискал хотирасидан фойдаланиш коди _____

(ҳисобдан чиқаришда кўрсатилади)

Далолатномани тузишда шикоятлар ва аризалар тушмади, бу ҳақда 3 нусхада ушбу далолатнома тузилди.

Давлат солиқ хизмати
органи вакили

Хўжалик юритувчи
субъект вакили

Хизмат кўрсатувчи
ташкилот вакили

Фискал хотирага эга бўлган назорат-касса машинасини фискал хотирага эга бўлган назорат-касса машинасининг рўйхатдан ўтказиш карточкасини берган ҳолда фаолият амалга ошириладиган жой бўйича давлат солиқ хизмати органларида рўйхатдан ўтказиш тартибига
3-ИЛОВА

288-модда

**Фискал хотирага эга бўлган назорат-касса машиналарини рўйхатдан ўтказиш
ДАФТАРИ**

Рўйхатдан ўтказиш рақами	Рўйхатдан ўтказилган сана	Хўжалик юритувчи субъект номи	Рўйхатдан ўтказиладиган фискал хотирага эга бўлган назорат-касса машинаси объекти жойлашган жой	Рўйхатдан ўтказиладиган фискал хотирага эга бўлган назорат-касса машинаси модели	Фискал хотирага эга бўлган назорат-касса машинасининг Завод рақами	Дастурий версия рақами	Фискал хотирага эга бўлган назорат-касса машинасининг фискал хотирасидан фойдаланиш коди	фискал хотирага эга бўлган назорат-касса машинасини рўйхатдан чиқариш санаси	Изоҳ

— 24 —

24 (628)-сон

Фискал хотирага эга бўлган назорат-касса машинасини фискал хотирага эга бўлган назорат-касса машинасининг рўйхатдан ўтказиш карточкасини берган холда фаолият амалга ошириладиган жой бўйича давлат солиқ хизмати органларида рўйхатдан ўтказиш тартибига
4-ИЛОВА

РЎЙХАТДАН ЎТКАЗИШ КАРТОЧКАСИ

Ушбу рўйхатдан ўтказиш карточкаси _____
_____ га
_____ моделдаги, завод рақами _____,
201__ йил «__» _____ даги реестр рақами _____ бўлган
назорат-касса машинаси _____ давлат солиқ хизмати
органида рўйхатдан ўтказилганлиги тўғрисида берилди.

Реестр рақами	Фискал хотирага эга бўлган назорат-касса машинаси модели	Завод рақами	Дастурий версия рақами	Фискал хотирага эга бўлган назорат-касса машинаси жойлашган жой	Фискал хотирага эга бўлган назорат-касса машинаси рўйхатдан ўтказилганлиги ва рўйхатдан чиқарилганлиги тўғрисидаги белги

Давлат солиқ хизмати
органи раҳбари _____

Фискал хотирага эга бўлган
назорат-касса машинасини
рўйхатдан ўтказиш бўйича
давлат солиқ хизмати
органининг масъул ходими _____»;

д) Аҳоли билан пулли ҳисоб-китобларни амалга оширишда фискал хотирага эга бўлган назорат-касса машиналарини қўллаш тартиби тўғрисидаги низомга 3-иловада Квитанциялар дафтарчаси титул варафининг номи қуйидаги таҳрирда баён қилинсин:

**НАЗОРАТ КАССА МАШИНАСИ ТАЪМИРЛАШДА,
ЭКСПЕРТИЗАДАН ЎТКАЗИШДА БЎЛГАН ВАҚТДА, ЭЛЕКТР
ЭНЕРГИЯСИ БЎЛМАГАНДА ХЎЖАЛИК ЮРИТУВЧИ
СУБЪЕКТЛАРНИНГ ФОЙДАЛАНИШИ УЧУН
КВИТАНЦИЯЛАР ДАФТАРЧАСИ».**

2. 2-иловада (Ўзбекистон Республикаси ҳудудида қўлланиши рухсат

этилган фискал хотирага эга бўлган назорат-касса машиналарининг Давлат реестрини юритиш тартиби тўғрисидаги низом) 7-банднинг «д» кичик банди қуйидаги тахрирда баён қилинсин:

«д) фискал хотирага эга бўлган назорат-касса машинаси ва унинг дастурий маҳсулотлари функционал тавсифларининг ягона техник талабларда келтирилган малака гуруҳларидан бирига мувофиқлигини»;

3. 3-иловада (Юридик ва жисмоний шахсларнинг ўз фаолияти хусусиятига кўра аҳоли билан пулли ҳисоб-китобларни фискал хотирага эга бўлган назорат-касса машиналарини қўлламасдан амалга ошириши мумкин бўлган айрим тоифалари рўйхати):

а) 1-банд қуйидаги тахрирда баён қилинсин:

«1. Аҳолига пулли хизматлар кўрсатишда қатъий ҳисобот бериладиган бланкалар ҳисобланган талонлар, чипталар ва уларга тенглаштирилган бошқа ҳужжатларни берадиган юридик ва жисмоний шахслар»;

б) 2-банднинг «б» кичик банди қуйидаги тахрирда баён қилинсин:

«б) дехқон бозорларида савдо ўринлари ташкил этган ҳолда ўзи етиштирган қишлоқ хўжалиги маҳсулотлари, шунингдек сўйилган моллар гўшти билан савдо қиладиган (якка тартибдаги тадбиркорлар ва юридик шахслар бундан мустасно)»;

в) 7-банд қуйидаги тахрирда баён қилинсин:

«Жисмоний шахслар томонидан товарларни дам олиш кунлари ярмаркаларда, автомобилларни сотиш бозорларида ва бошқа илгари ишлатилган товарларни, шунингдек тирик молларни, паррандаларни, жониворларни ва бошқаларни сотиш».